

04 FEB 2003

SHANGRI-LA PUTRAJAYA DIBUKA DENGAN RASMI

PUTRAJAYA, 4 Feb (Bernama) -- Perdana Menteri Datuk Seri Dr Mahathir Mohamad malam ini membuka dengan rasmi hotel Shangri-la Putrajaya yang terletak di atas bukit menghala ke Pusat Baru Pentadbiran Kerajaan Pusat, Putrajaya.

Dr Mahathir yang diiringi oleh isteri Datin Seri Dr Siti Hasmah Mohd Ali tiba di hotel itu pukul 8.35 malam.

Dengan berkonsepkan hotel dalam taman, Putrajaya Shangri-la menyediakan 118 bilik mewah untuk para tetamunya.

Presiden Perbadanan Putrajaya, Tan Sri Azizan Zainul Abidin dalam ucapannya berkata hotel itu dibina untuk menampung kemudahan-kemudahan yang diFEBgka terdapat dari sebuah bandar raya dinamik dan Pusat Pentadbiran Kerajaan Pusat.

"Dengan pembukaan hotel ini hari ini, Putrajaya akan memperolehi imej baru dan persekitaran bagi pembangunan sebuah bandar raya," kata beliau.

Turut hadir Menteri Kebudayaan, Kesenian dan Pelancongan Datuk Paduka Abdul Kadir Sheikh Fadzir, Yang Dipertua Dewan Negara, Tan Sri Michael Chen dan Menteri di Jabatan Perdana Menteri Datuk Tengku Adnan Tengku Mansor.

-- BERNAMA

AZH NN ZB